

白鶴山房詩鈔

白鶴山房詩鈔卷十一

歸安葉紹本仁甫

古今體詩五十九首

題家丹崖河帥小山叢桂圖

嘉木號冬榮清芬振巖穴南洲炎德秉葩穎兩殊絕瑤光所降  
精月殿綴瓊屑是寶冠凡柯澄懷喻高潔先生梁棟具海宇仰  
圭臬霖雨遍蒼生芳聲媲前哲泰山枝幹茂泉露潤清冽功德  
在人間下士那堪說陳季方論太邱語見世說招搖奇樹植仙苑舊名列磊  
砢勢干雲豈徒高士節天風起馥醇繞座彌馨烈莫問木犀香  
丹心照冰雪

白將軍戎裝小像

銀鑿耀日朱組纓唐猊之鎧騰光晶老成遠猷森氣象鬚眉凜

稟顏如生當年開閫在江介具區邦上畱威名白波劇盜殲  
躋赤舌飛飲潛廉貞武臣功乃在閫井愧殺文吏徒干旌中  
間讒搆張貝錦公獨忠信消蠅營識公於微賴賢相謂格門相國手劄  
字字攄悃誠此真盛事炳竹素

聖朝郅治鏗韶醵風花事往六十載傳說猶使兒童驚家家戶  
祝抵絲繡益州畫像誰能娶此圖藏虔出公嗣華簪奕葉流賢  
聲敦詩說禮澤未艾牽絲更使甦疲氓我忝年家交玉樹恨不  
早見公生平展圖再拜起三嘆何用面具誇崢嶸方今詰奸重  
鶴列河魁太乙嚴鼓鉦安得如公秉幢節坐使匝宇歌山虞繡  
衣我亦職持斧對公汗背慚澄清

題虞伯生集

杏花春雨引歸心文字臨川功力深珥筆奎章三十載日光月

色和薰琴

讀元人詩集

百年壇坫論風雅多在勾吳於越間想見當時盛文藻楊家鐵  
笛顧家山

白河行呈潤補臣莫寶齋兩司農

時疏治水道作

白河之水深且漣素波灩灩明長川印文屈注五百里經流入  
海無延緣箕尾之交水所宅不獨沾泊橫天船雲帆轉粟功最  
偉絕勝槎泛凌鯨鱣雍奴潞亭古置縣元倉明成規模全淘沙  
歲歲有功令丁男畚鍤何喧闐我忝持符董鬢剔水衡使者同  
官聯方舟行部占利涉鳬鷺拍拍迎旌旃投竿中渚測尋引璇  
源細折迴波圓千艘飛渡幸無阻涎涎銜尾螭頭牽東南粳稻  
納天庾陳紅寶氣騰星躔司農筦籌慰

白鶴山房集卷二  
二  
宵旰億秭稌黍歌周年丹山旣出銀甕溢百神効順疇敢愆此  
水靈長澤無比絳河分派通洄澼及時疏濬那可後要看萬頃  
玻璃田作歌篷窗志歲月杏花正放春風顛

大沽海口卽事

九河故道爲瀛州大海直接寥天流碣石東趨何所極淼茫遙  
浸扶桑陬新羅百濟此環繞遠跨龍國難追求估帆萬里轉絕  
域乘風一瞬凌滄洲拂赫大食可置候遠包北極窮元幽獻琛  
納賚盡荒裔無異王會陳青邱招攜以德禮懷遠萬方輯瑞尊  
主旒樓船巡徼詰奸慝衣袵當戒嚴扞拒  
神京左輔勢雄勝雲帆遼海思其由繡衣分職在鄰壤偶觀渤  
澥浮方舟作歌

聖代紀威德

許謨定命垂千秋

丙子坡公生日和蘭卿韻

也似庚寅降左徒奎躔歲歲奉韓蘇循環撓竿將千祀雜沓朋  
簪盡五湖朱雀金華顏孰在孤煙落日句難摹辦香此際殷勤  
祝詩味連珠定不殊

大國珠槃屬主盟

公如大國楚吞五湖三江山谷頽坡句也

人天俯仰有餘情中山

雪浪鈴齋近西嶺雲峯翠黛橫三萬日驚飛電往百千影照潁  
波清瓊樓玉宇公歸好矯首高寒感易生

丁丑三月余扈

蹕薊門往來田盤者旬日而石士居京師則偕同人游崇效法

源二寺觀青松紅杏卷子以詩見寄地雖不同何皆於  
青溝泉石結一段勝緣耶爰以長句寄石士并索芙初

編修和之

我從

翠華幸薊鎮田盤日日看煙鬟君偕勝侶訪名蹟亦在紅杏青  
松間我來春暮杏已落祇有松翠明孱顏君從圖畫合兩美蒼  
髯丹頰枝交攀臥遊身到不須較境真圖幻誰能班雲龍意氣  
遠相合各有幽賞非緣慳新詩寄我頗奇絕色香淡秉空江間  
而我吟詩坐懶惰據鞍日夕馳黃菅歸來始得親筆硯百重又  
苦堆如山蠟官那便占清福轅駒空羨浮鷗閑漫堂舊癡愧忝  
據懷無朴老語詩斑清吟只合付公等玉堂曉直鳴銅鑼期君  
好事過朱老卯酒晨醉雙橋灣

見竹垞柳巷杏花歌

古中盤

精舍藏巖腹幽尋到始知倚天皆石色礙路有松枝疎竹陰連

徑清泉細入池香臺名字古剔薛讀殘碑

寺有唐造碑碣

### 少林寺

複沓重巖轉忽逢蕭寺開鐘聲隔幽澗塔影抱層臺花雨沾衣  
溼林風拂袖迴凌虛看

碧殿曲折上崔嵬

### 東竺菴

蒼嵐看不盡一徑入山深巖石有真意溪雲無住心言循碧澗  
曲獨上翠微岑蘭若渺何許迢迢鐘磬音

### 登雲罩峯

絕頂攀蘿上縈紆所歷高諸天凌浩渺百里辨分毫斷坂峯腰  
路驚湍石齒濤仙雲看起處把臂問盧敖

### 天成寺



石作崇塘狀嵒岬鳥道通地殊重峽險勢比劍門雄  
輦路層霄上樓臺畫中江天同一覽名藻并鏡文虹

萬松寺

紺宇臨無際龍鱗萬本齊蒼濤檐外合翠雨檻前迷古佛參真  
相高臺認舊題

李靖舞劍臺在寺中題字尙存 峯巖瞻

豹尾此地卽丹梯

題曝書亭集後

詩壇十郡幟誰降絕妙南湖彩筆雙一自青邱生去後何人重  
把馭風幢

樂府齊梁早詞津杜陵萬卷更通神樓臺七寶莊嚴地十種楞  
伽見化人

風情宛轉意蕭疎山水緣深足起予試誦天台夢游句前生應

讀上清書

塞門冰雪鬱嵯峨  
匹馬雲中企喻歌  
萬丈玉龍天外轉  
一鞭初度兔毛河

杏花舊葉句摩空  
晚入承明馬步工  
兩載雲窗披綠字  
直廬曾認禁垣中

臣里東家白玉釵  
蠶眠細字寫風懷  
閒情一枕高唐夢  
腸斷紅心宿草菱

錦袍歸去最無聊  
醞舫還尋娛老橋  
草屨撈鰕弓射鴨  
先生真箇侶漁樵

問字元亭酒戶豚  
盈階書帶不教刪  
海紅花下維舟好  
恣看磬頭百尺山

題馮春圃判官舉杯邀月圖

敬通才調本無雙佳句來從學繡江莫爲微官厭淪落桃枝歌  
罷月橫窗

兩年參佐識良交古井心期秋竹梢此去哦松官舍好一尊吟

對鳳皇巢

君令子官交河海壤相接也

答覃溪先生見示所題燈窗梧竹圖原韻

治行方慙大小馮清才敢詡昔賢同辦香幸接曾門近獨許詞

場繼國風

絕頂毘盧欲到難妙華只在大雲端竹風梧雨虛窗曉一種根

因悟法蘭

題蘭卿崇效寺看花圖次覃溪先生韻

蒲褐風甌說法廬百年朝士此停車碑尋區夏題名始寺有明人夏子

開及區大

地憶朱

竹

王

漁

步

履

初遠岫

出城青

靄

澹

好花

臨檻

終陰疎一從詩老拈吟後應寶蘭亭退筆書

芙初見和拙詩仍用原韻奉答

我家昔在山水窟夢中凝想惟雙鬢自來薊邱擁旄節簿書顛  
倒塵埃間河渠食貨事頃委繭絲束縛難爲顏蟠龍之山近咫尺  
非依豹尾誰能攀玉堂瑤書日清暇令人空妒蛾眉班劉郎  
才思本超絕筆力巧破天工慳海棠鈴索舊同直相與臭味齊  
蘭閨今箋屢擘軟紅外所期詩國芟荆菅豈知隨牒忽殊轍跬  
步頓隔方蓬山新詩和我句拔俗無異同氣題蕭閒閉門陳子  
定好在聯轡想見車斑斑

帝城新秋風物勝樓頭纖月斜金鑲郵筒莫惜屢還往碧波正  
滿芙蓉灣

望雨偶書

長夏炎風只久晴金飈又作颯然聲  
葺牆絕少蟻螭畫草砌時聞蜻蛚鳴  
下隰禾麻雖旆稷高原稌黍漫縱橫  
何當乞得昆陽術一夜甘膏驗缶盈

英初倒押前韻見寄疊韻奉答

玉河流水灣復灣銀臺門啓雙獸環  
丹梯身到不自覺但愁寂寞顛毛斑  
世塵擾擾日堀堦所難清晝圖書閒  
而君奮筆坐文館馬遷著述藏名山  
豫章參天陰蔽日弱植豈論旃與菅  
洪鐘猛簾入詩律淫哇直可刪鄭蘭  
籠中翦翅看百鳥使鐫造化非天慳  
嗟余廢學類胥井鯨牙跋浪焉能班  
水源崑崙嶽泰岱絕頂尙欲窮躋攀  
蘇齋講業有數子君才真比陋巷顏  
題襟京輦亦自得何必唱和松陵間  
曲江休沐正多暇好句且付旗亭鬢

雨後口占

郊原一雨淨銀沙  
習靜閒齋翫物華  
日透綠光明葉背  
雲堆碧影上檐牙  
淪疏不用雙飛鵲  
鼓吹兼聽兩部蛙  
欲識使君清絕處  
竹鑪新沸武巖茶

梁茝鄰儀部作種瑤草圖以與石士英初蘭卿同受詩於寶蘇室也余從蘇齋學詩有年矣而四君者皆余所善兼有館閣門牆之契因再疊倒押灣字韻以寄蘭卿

大瀛海隔黃木灣  
崑崙圖嶠峯鑲鑲芝田十萬課耕堡短犁盡  
駕斑龍斑雲英玉蘂供採嚼丹林游戲身閒閒陳芳麟篆定熟  
讀羣玉府接埔城山靈苗灌漑結瓊寶胸中早已鋤茅菅汲以  
紅泉蔭丹桂芬郁氣味齊椒蘭羽衣霞珮各有得太霄授受懷  
無慳繫余學道悔已晚服食未厠松喬班幸從河上問真訣丹  
梯鐵鎖常教攀元文一讀受持謹不令世網凋朱顏諸君珊珊

盡仙骨姓氏早注雲臺間神人姑射定誰是  
我我一尺風中鬢

黃季侯前輩攝守大名用東坡寄劉孝叔韻奉贈

冀州地廣連斥鹵游俠風強氣號虎天雄東控澶漫州唐宋巖  
疆置藩府武臣割據儼侯王盡擁高牙設鈴鼓橫戈擊劍數百  
年遂使茅檐習鑕斧買牛難挽殼弦風渡虎安得隨車雨租庸  
况復冠他郡縣吏催征到布縷鄉閭疲困孰能甦豈有歌詩詠  
勤苦椎埋惡少又相乘敝俗真難一二數文翁教化信臣慈後  
學奚由得治譜隼旟能軾樹霓旌素食惟應慙守土地偏雖未  
扼衿喉畿近亦當連脛股欲將惠澤補瘡痍政要清風生旣旣  
方今

聖德徧垓垓含哺烝黎皆起舞安良除莠勉羣僚

戒諭何啻千百語鵠音盡革在修文魚泠不驚寧耀武全消獍

猶青騶虞此事功應造化補先生志節重班行洵有丹心能事  
主神羊一角肅風裁乞外又紆丈二組登車攬轡在澄清治道  
真能別精粗祇今問俗到陽平韓寇遺規猶可覩我慙秉節古  
剡門同調相賡如穆羽願君名業晚香如清酒一壺聊出祖  
笑初以游萬壽寺看松極樂寺看花正押灣字韻見寄再

疊韻奉答

六街車馬困塵埃洗眼獨有西山巖前朝名刹傍河岸化城恰  
啓雙松間龍拏虎攫雷雨黑桃李豈復能爭顏蒼煙碧霧護金  
地五粒不數天門攀禪堂清寂供揮塵閒趣那不推仙班要尋  
幽卉到極樂生機勃鬱知難慳薌花佛亦住花國十笏地滿蒲  
荷蘭白雲英英被秋露紅葩狎獵兼翠管儒官瀟灑有如此捷  
徑應笑終南山歸途風景要如畫昏鴉未到流水閒秋深花事



走尤盛重巖細菊開爛斑都盤茶具淡生活安用冰素彈銀鑲  
新詩迭和感君意西風瑟瑟蘆花灣

薊州道中偶成

潑眼晴光馬色侵川原如繡帶遙岑山藏宿靄青濃淡樹發新  
萸綠淺深春氣自隨羣象滿生機好向化工尋  
時巡正布陽和德一路鶯花接

上林

獨樂寺觀音閣

傑閣崔嵬鎮上方金容百尺寫圓光人天調御應如此劫火銷  
沈了未妨衣裓莊嚴歸七寶旃檀布施歷千霜始知象教神功  
大芥子須彌那易量

少林寺

頭綱新茗正可瀹清夢忽到螺江灣

與蘭卿論詩五疊鬢字韻

欲知詩品別高下有若肥瘦評鴉鬢靡顏膩理尙皮相所取離  
合神光間黃初以來盛調詠筆力卓絕謝與顏齊梁藻麗太姚  
冶漸覺騷雅難追攀天教元音返正始圖書麗正崇仙班英靈  
河嶽間氣出賦才造物良無慳拾遺供奉兩巨擘下此亦初莖  
與蘭詞場疆宇已盡闢豈復寸地畱茅菅羣兒愚乃恣騰口何  
異蛾堙料太山我築詩城三十載搖毫未敢耽餘閒要期風骨  
媿前哲不在綺繡披斑斑君才亮特軼時輩羊氏夙慧誇金鑲  
天孫錦段會乞與泛槎直到明河灣

蘭卿過潞河官舍論詩並示蘇齋先生見和二律因再疊

前韻錄寄

妙解居然探畫前  
水虛木實靜中緣  
鵬鷺自覺滄溟小  
鵲舉真窺碧落  
圓信有靈源  
通象外不煩矯語  
辨塵邊化機火急憑追取  
瞬息關河放溜船

閱世仙真在眼前  
智燈親授總奇緣  
浮花浪蘂來潔鏡  
影珠光悟處圓  
但得支筇喬嶽頂  
何勞刻劍大隄邊  
蘇齋便是蓬萊室  
莫作迴風引去船

奉懷覃溪先生仍用前韻

春風如坐五年前  
說法靈山得勝緣  
矍鑠身疑餐玉健  
牟尼胸啓慧珠圓  
雞林墨妙行天外  
牛耳詩盟締日邊  
插架琳琅金薤滿  
昔時裝壓鬱林船

先生屢秉使節不名一錢歸裝惟金石文滿篋而已

衣鉢相仍後繼前  
對牀風雨總清緣  
文章論世千秋共  
湖海懷人幾月圓

先生詩中有憶穀人諸前輩之句

頑礦盡鎔鑪鞴際  
孤芳齊採芰

蕭選何當頻載烏程酒一瀉錢唐藥玉船

蘭卿縮臨雪浪盆銘爲小箋以詩見寄作此示之

杜韓已沒千百年傳世惟有峨嵋仙風流文采照今古片石珍  
賞皆奇緣仇池九華不可見最後雪浪雄詞鐫懷鄉念切慕江  
國公心水石同清堅代北恒山古邊郡旌竿列戍交烽煙驚砂  
蔽天塵動地豈有清供羅平泉大賢所到獨殊衆頑質坐使呈  
精妍兩孫筆法妙想像白波細蹴韡紋圓幻作跳珠耍奇絕湖  
樓聽雨鳴濺濺當時寄興亦偶爾豈意異蹟爭流傳讀公歌詩  
見公指從容談笑消戈鋌北門鎖鑰盡如此那有躍馬愁投鞭  
風花小閱七百載忽驚磨毀同旣甄獨餘拓本尙傳世祕書學  
士前修延蘇齋齋壁朝夕見松屏石鈿圖同懸流風儼溯元祐  
始公乎雲馭應流連舍人好學叟高足損秀舊拾閭江荃手摹

縮本作箋樣香火要續秦黃前文忠志節冠千古不獨文字輝  
珠璣源泉萬斛湧筆底詩派亦可空蹄筌與君燃脂試臆寫碎  
邪香篆浮綿綿

荳鄰儀部以遊西山詩見示卽題其後

太行支幹入天青北戒山河此列屏難得詩人探窔奧官閒匹  
馬證圖經

名利金元啓石龕虬柯天矯映層嵐興亡遺蹟都休問且把庭  
前柏樹參

坡陀曲折石樓高時見渾河湧怒濤草木荒寒山骨瘦逗人詩  
思轉清豪

亂山環擁徑高低磴道迴旋望欲迷指點鐘聲雲外出翠微深  
處仰

天題

聯轡清游得未曾胸中五嶽自峻嶒吳山詩老東歸後妙諦誰

傳無盡燈

謂數人前輩

奇景蠶叢險鑿開一時挂笏幾雄才期君戛蠟田盤屐踏破青  
溝石色來

蘭卿縮摹雪浪盆銘箋既成復作歌題其上

鈴齋書靜冬日暄有客貽我紙百番一規忽墮圓月痕是何虹  
采驚庭軒諦觀妙畫星斗捫五十六字詞源翻芙蓉玉井帝所  
尊幻作老守齋中盆太行天脊物怪蕃月斧下剷搜雲根鬼工  
刻畫蒼壁論飛流濺沫珠玉噴天吳蹢踞罔象奔大瀾小淪相  
吐吞偉哉造物變化繁一拳疑掇星海源鴻荒泮水汨厚坤此  
石終歲臨潺湲洪濤浸漱無朝昏涸久猶帶潮音喧端明昔日

朱兩轡北門坐鎮消旌節恒山白石神賜膳鍾茲奇秀供笑言  
文章騰擲翔溟鯤兩孫筆法留精魂離堆四面江水渾側耳似  
聽巴山猿昆池劫火經幾燔隙駒歲月馳驅駟成虧萬變風中  
旛粗砂石泊時蝨禪六丁攝取歸天關千鈞一髮誰弗諉北平  
國老心香存拓本高度雲鳳鸞異世調若同簾塤小游戲覆硯  
琢琨璫池波漲同洞雲閣江仙李青蓮孫紫裘腰笛詩情敦手  
摹行波玉筴緝老蛟屈作尺蠖蛻盤中四角周紛緼若搗秦鏡  
鏤紀甌仇池九華翠色嶠零落惜早依苔垣何如此銘照八垠  
陟釐細寫熊虎蹲千秋奎壁耀海暎後學咸得瞻崑崙我昔心  
醉眉山昆狂吟苦未窺籬藩此箋入手筆陣屯可寶奚啻千璣  
璠淋漓濡染鼎呂掀夢游真到杏葉園嘉慶丁丑黃鍾元作詩  
紀我官薊門松醪釀熟香溫磨遲公生日陳清鶴

朱子名印歌

流虹照地井水溢崇安山中大賢出五星奎聚聖教昌直與端  
門繼麟筆微言遙自洙泗傳一空訓詁通人天綱常扶植正賴  
此褰衣大袖非拘牽煌煌名印從何得遺器猶爲後人式想當  
講學坐生徒此印摩挲常在側學仙學佛經百端早年書亦摹  
曹瞞一朝心印得真契掃除衆藝歸澄觀千年俎豆崇黌序小  
兒亦志文公語名垂天壤豈人爲未要反脣相爾汝嗚呼學海  
何茫茫歧途四出迷康莊誰將真印傳千古莫但游譚詡陸王



白鶴山房詩鈔卷十一終

眉山房詩鈔卷十二

歸安葉紹本仁甫

古今體詩七十二首

石鈹圖箋爲碩士同年作

曾共塢鑪煮夜泉雲腴滿酌腹圍寬松風舊聽濤聲熟苔紙新

摹凍墨寒邗水藏同經字古坡公在真州曾書光明經蘇齋拓早壁痕乾蘇齋

先生得此圖已數十年矣曹溪一勺憑君悟合有涪翁句子安和坡公韻

雪浪纔圖鏡影圓衍波劃出界痕寬分泉湖墅前因遠貯月春

江午夢寒至味愜心應自省洪源入手未曾乾仙舟太乙清言

慣尙憶相從玉璫安和覃溪先生韻

蘭卿舍人借摹蘇齋圖作東坡生日有詩見寄卽次其韻

眉山詩格千秋無發陳巖處能昭蘇游蹤偶到盡奇蹟山水綠

結越與吳放鶴亭前舊遊處榜額曾耀幽人廬後來繡谷亦題  
字江南名士推顧廚麓臺太常爲作畫粉本突過桓元儲風亭  
雨檻出想像林煙一抹青模糊百年佳話誰復繼北平學士蒼  
髯鬚才名遠與坡老并又灑飛墨顏齋居耄年文字益華妙前  
身豈是曹溪徒宣南坊左尋丈地何異親歷東坡圖年年生日  
作清供松屏石鈿伴座隅此時奎光照南斗仇池鶴馭疑可呼  
心香一瓣達誠慤那用燒燭鋪醴醴藉公神明啓頑鈍雄詞或  
可天漿斟華嚴法界卽此是何須習靜參圓蒲子今蘇齋大弟  
子執經講業道不孤登堂嚙齋窺祕奧精進獨與他人殊此圖  
張來吉祥室如嘗水味知江湖無上法輪轉千佛應笑待兔空  
守株華鬢雲中妙香發此景豈異游方壺粲然珠璣落滿紙多  
君妙墨手自摹尙當益求解脫義靈源汨汨其來乎旃旄堂堂

樹五丈經環蕩蕩開三塗期君下筆戒鬼駭莫令陶謝空枝梧  
門人李蘭屏孝廉以所作天際烏雲箋見寄爲賦長句卽  
示蘭卿共和之

江南日暖春陰薄一片青山在樓閣匡牀清夢小游仙睡起殘  
陽挂羅幕嵩陽青眼萬里情逸思如逐春雲生忽從郡閣憶綺  
語坡仙文雅真縱橫玉筍金釵餘想像閒情句寫襟懷曠記得  
金籠放雪衣鶯飛草長江流壯妙墨流傳七百年道園題字重  
丹邱後來誰寶名賢蹟九曜詩翁未白頭牛腰卷軸多題品朝  
士拈毫墨流潛虹氣終宵照大千蛟龍陣壓羣兒凜螺江二李  
皆仙才花鄂競茁芙渠開蘇齋證業契伽葉瑤草早向靈山栽  
短幅離離貌雪巘魚鱗映水春波晚絕妙滄江小景圖縮來矮  
紙摹真本君謨述古皆閩人知君自與鄉情親願從詩老參妙

帝江天風物清心神我忝掄才甌越久泉山盡攬文章藪手攀  
琪樹得雙枝頗歎良材今未有竭來持節古漁陽每喜秦黃有  
報章一番研光來眼底幾回清興憶江鄉炎官火繖方司令正  
望濃雲鼎三徑飛箋覓索子由詩雪浪翻盆卧中聽

王寶山觀察以所繪憶舊圖見示爲題八絕句其上

紗幔宣文講業時慈闈信有母兼師平反行奏西臺蹟史傳應  
襲雋不疑

一鞭席帽趁西風八月山花照眼紅名士軒頭高置酒紫雲快  
聽廣寒宮

畫省金鑪應列星清通况復譽藤廳數聲鶉鳴銅龍啓隨仗東  
頭拜

紫庭

帝簡循良牧九州一麾新拜古諸侯  
盧溝橋畔青青柳暗作棠陰到處  
畱

還家上冢荷

恩濃畫錦歸來喜氣重某水某邱憑指點相逢多作釣人恭  
青螺雨簇壯東南擊汰揚舲意自酣最是君才凌海嶽快帆似  
箭下江潭

園池秀野守居齋  
嘉鷺山光入戶排列坐羣仙俱不俗綠荷  
裏闢詩牌

銀河一派瀉匡君五老峯尖五朶雲萬古坡仙應握手廣長偈  
在半空聞

移治清河紀

恩恭賦二律

三年潞水愧知津又拜

綸絲

寵命新一路忝爲諸使長十連全轄七州民潯沱水淥迎朱戟  
大茂山高擁畫輪最是頒條難稱職樗材何以答

楓宸

燕趙頻膺六察官

簡除真荷

聖恩寬蓬山舊長麒麟草蓮沼新彈獬豸

冠使署近蓮花池桴鼓無聞

良足樂鞭絲必析敢求安甘棠猶憶年時種願普清陰易水瀾

王子卿同年出守彭城以丙子坡公生日設供黃樓爲壽

以詩見寄卽和其韻

黃樓人去凡幾載千古黃樓鎮常在從來不朽屬名賢河嶽日

星黃光采古人治績徵方州善政曾聞村置樓公之行水法神  
禹茨防竟遏橫波流被屋塗詩餘想像那計軒檻照虛幌一朝  
磬石琢流脂猛士詩人氣騰上羽衣吹笛西風顛樂事豈論三  
百年玉局牀成仙去久世間遺蹟空雲煙王郎舊控緱山鶴百  
步洪邊錦帆落承明出守繼鬚仙不使湖山嗟寂寞高樓設供  
絕世無不獨遺愛祠西湖煌煌列宿照牛斗撼樹真笑羣兒愚  
南飛一曲公歸也愧我無由持玉罍中山雪浪尙堪摹他日祠  
公拜堂下

王子卿同年以戊寅二月二十日設供黃樓爲子由壽子  
卿亦已卯生其守彭城皆遇二公生年亦古今佳話也  
子卿有詩刻石輒和以寄

飛樓巍峩壓層川居民猶說河復年老年兄弟此相聚何似欠



伸學舍眠彭城郡東置豐碣稍欲驚世雄詞鐫陸家機雲不足  
數騎龍直擬茅君仙銀檠木杖屨爲壽寶氏好句連珠編戲馬  
臺邊佛峰側想見鶴影同蹢躅七百年來電光疾惟見落日橫  
孤煙題名廳壁幾州將何人舊蹟探從前蕪湖王君我石友輞  
川詩畫能爭先一麾江海載朱轂政成欲獻河清篇靈辰揆覽  
恰相值絃夔曠世知遙憐登樓肇祀自君始衣冠高會從羣賢  
銅仙挈摩豈一度金華朱雀應依然讀君此詩定大笑虹氣朗  
朗明諸天

齋中藝菊記之以詩

正色曾聞標月令騷人自昔重秋英卽看爛漫衆芳發如見逍  
遙出世情詩意微參真澹蕩酒卮相對倍分明鈴齋那得清如  
許恰值郊原萬寶成

蘭卿中翰典試洪州詩以志喜

匡廬彭蠡天下勝喜君奉

詔程材良盟心惟飲大江水過眼不迷古戰場學杜詩孫有那  
老繼韓文字誰歐陽人師年少豈易得衣鉢坐付春風旁

己卯元旦試筆

律轉青陽第一辰羣生嘒嘒祝惟春好樹柏葉斬通朶恰對梅

花說喜神

南宋人有梅  
花喜神說

仁壽世方開冒卯溫柔節正應初寅育微敬始廉車職赤旬欣  
沾

帝澤勻

元正三日喜觀祥霽用東坡雪後書北臺壁韻二首

麥根盤地勢猶纖乍喜瓊英作陣嚴縞鶴舒翎開月鏡玉龍翻

海瀧波照蒼蒼最羨膏肓隴藥舞還看影拂簷正是履端昭  
聖瑞廣歌應染紫豪尖

溼煙籠樹集寒雅一望同雲隱日車元會如陳千穀壁上林添  
作十分花瓦盆泥飲從田父粉本莊嚴屬畫家劇喜醲膏沾近  
甸太平早已靖矛戈

扈

蹕至潭柘岫雲寺

羣峯何連延山盡始見寺磴道若螺旋颺颺度松吹精藍天平  
開突兀聳無際紺宇妙莊嚴金碧照大地昔聞聽經龍捨宅構  
羅衛彈指見須彌華鬘湧雲翠鐘梵殷層霄功德難思議屬當  
邨隆朝

時巡策羽騎祈福爲斯民雨暘諧肅又暉暉佛日懸蕩蕩天門

稽首頌

能仁恒沙齊

福慧

扈

蹕至戒臺寺恭紀

翠微深處湧香臺  
靈宇莊嚴法界開  
寶樹盡從初地長  
祥花多傍

御闢栽三車輪行天飛雨八部經繙盡轉雷  
自是光音承

壽愷吉雲齊護

玉纓來

戒臺寺古松歌

翠雲吮藹枝擎空  
九松夭矯如真龍  
閭浮靈氣鬱蟠結  
喬柯永

護慈皇宮幹摩殿角五百仞根裂厚地三千重濃陰筏帆白日  
翳萬古惟有青濛濛我疑阿那運神力移植寶樹凌清穹又疑  
蛟螭善變化幻此鱗鬣矜豪雄稜稜勁質挺寒雪謾謾虛籟迴  
天風衝飈凍雨了無損鯨鏗怡和潮音鐘我聞此寺武德建布  
金地闢珠林叢精嚴戒行寶壇啓三車演法禪關崇爾時人天  
大和會漫空花雨飛輕紅此松因依洵得地菩提圓滿隨遺蹤  
風輪劫火永不壞始信佛力垂無窮我昔聞名久神往官守未  
得扶雙筇竭來扈

蹕得瞻禮手攀枝格驚蒙茸朱樓碧殿暎蒼靄卷羅示現何蔥  
蘢祇林得此洵奇觀太陰雷雨生房櫳况復

宸遊迓

芝蓋

翠華颯颯羣靈從松乎但留廣蔭四空十八界不用天門五粒  
瑱瑱誇秦封

和張柳泉農部偕諸同人月夜集古中盤之作

鐘梵諸天寂雲峯一徑明誰能乘月影來此聽松聲孤抱絕塵  
想冷吟非世情和攜皆勝侶那識是行程

曲屑泉流滿蒼苔磻戶開人間尊酒共天上夜珠來竹靄青凝  
几林煙綠潑醅仙才讓公等題句獨徘徊

昭君咏三首和石士同年韻

葡萄天馬久平戎誰把和親抵戰功太息茂陵威畧盡卷衣女  
出未央宮

明眸豈解靖邊塵慙愧當年廟算人不及沼吳能作餌館娃歷  
盡錦帆春

遺容終竟藉圖傳  
薄命三生夢幻緣  
猶勝畱仙裙  
褶皺昭陽日  
影化寒煙

己卯閏四月蒙

恩再攝臬篆恭紀二律

六年持斧愧鷄梁

詔許頻權柏府霜  
廉鎮班高唐十道祥  
刑法守漢三章每懷

彝訓思明允  
殊本謝  
詳慎明允不可忽  
畧欽此  
猶憶訐謨致吉康

先君了曾秉東  
臬明法仁恕  
總輔風淳皆

帝澤敢將武健事  
析楊

牙章竹簡法惟嚴  
那以疎庸潤網鉗  
破柱總期除積蠹  
覆盆盡

許照高蟾訟庭雨  
過苔生砌齋閣  
風清月入簾  
願播春和依

壽宇壤歌齊奏戶  
熙恬

已卯五月炎歊方盛豐澍乍零作喜雨八章示吳星相世

講

天瓢萬斛作盆傾風馬雲車勢合并  
羣槁盡蘇人意樂壤歌聲裏祝秋成

經旬火繖怯炎威陡看跳珠颯沓飛  
振觸湖樓當日夢高荷大芋聽依稀

太行佳氣接恒山真有仙靈共往還  
纔得金輪持梵偈果然銀

竹灑孱顏非以雲輪經屬城令設壘祈禱果得甘澍

喚起驪龍睡乍醒水官圖畫入空冥  
飛廉前導豐隆怒破陣鏐

歌記洞庭用錢塘君事

百重堆几汗如漿忽聽簫聲響畫廊  
八尺琉璃便坐臥居然塵

界現清涼



泰時祈年

聖主心快看三輔遍甘霖茅簷人盡

堯天戴一寸醲膏一寸金

濯枝候正應恢台行見依旬渥澤眩下隔高原齊旆穠綠蓑人語隔煙來

塞帷蹤跡遍燕南又綰臺符約法三劇喜豚蹠歡戊社定無雀角到丁男

曉至張園看荷花口占一律

一匳穀影漾微瀾萬柄荷香隔座看銷夏定分吳女豔凌波欲認洛妃難紅裳舞罷金霞麗絳樹歌來玉珮珊見說恩波通太液仙葩常迥露珠溥

行部瀛州復得快雨疊前韻八首示守土諸君

日膏盈缶已全傾  
喜看秋霖夏雨并  
月額占來句四度  
米家山

意盡難成

聖電奔霆列  
勢威蟠空墨  
蜺挾波飛枯  
田已分如龜  
坼勃發新

苗見亦稀

溼雲堆墨陣如山  
沙燕衝泥自往還  
撒菽隨人驚雨點  
笑呼童

稚蟲歡顏

澠面飛泉夢乍醒  
濛濛林霧暗青冥  
中唐頓溢平堦水  
蘚暈苔

衣綠滿庭

銀髮屢滴瀉雲漿  
畫壁蟬蜩故繞廊  
炙背炎風纔幾日  
豆棚瓜

架已生涼

萬目恒懸望歲心  
已欣潤物用商霖

天床自與

皇仁協太府新蠲百萬金

本年奉  
免積逋數百萬金  
詔蠲

正是星輶出上台隨車甘雨大田賧比閭安堵恬耕鑿老樹邨

邊叱犢來

時星使謝  
案省垣

偶持繡節到瀛南驟雨荷聲已聽三見說拊循資長吏陽城姓

許字中男

己卯仲夏伯兄琴柯自粵入都畱宿保陽官署率成四章

用甲戌歲見示畱別韻

五年隔燕粵離思朝朝生欲往無羽翰愴怛切中情容管控交  
洲相望接大瀛余亦秉憲章冀北持水衡知君有德澤長吏皆  
清平銅柱屹南天桴鼓靖夜行經猷日流播恪守先民程位置  
古人閒韋李才相并

相從自髫年聚散屢殊轍蒙

恩歷中外愧乏廉能績庭訓懷摛書曠古足矜式賦質惟忝愚  
精義恐睽隔宏深緬淵抱巨海衆流納經術爲設施霖雨遍南  
國君今繼前光高牙建嶺北能使遠方懷非徒盡吏職

君恩天地厚鵷翼彌增惕莫詫常棣碑永念甘棠澤  
春鴈每呼侶鴻雁自依行矯翼各東西會合當有常憶君射策  
日才名早蜚揚文章典禁林巧匠斷無傷一出理藩垣仁膏逮  
炎熾卅載紆組紳清名書冊方何期暫息翮臺印移南牀矜全  
荷

聖慈鉅任弛蠻疆

主恩逮終始勿憂蟄成霜何當竭捐糜地勉輸膈腸

世事如風花望舒幾回缺握手恒山東今夕復何夕宦遊本萍  
泛會少苦多別猶幸處邇都相逢在薊易彭城聽雨心今古如

轍喜君官春明領得稍息啣嗽華池津席幾珍服食嗟余  
才識闇狠持使者節井瓶每自警弩力紹清白矯首螺江南卻  
緝憶胡質

謂二兄

題朱新之茂才浴鶴圖

霜翮離襪不染塵好從瑤島認前身知君骨相原超俗合與仙  
禽證慧因

手汲軍持注冷泉凌虛要覺羽毛鮮君家放鶴洲前住想見鴛  
湖權唱年

題王巽山松壑吟秋圖

虬柯蔽天綠不辨是巖巒絕頂振衣上山風吹袂寒攀頭敝遠  
黛石齒誤驚湍子去踏蒼靄身當圖畫看

新霽卽事

雨歇平皋夏潦收  
燕南八月作涼秋  
欄邊金粟垂垂發  
天外銀雲櫛櫛流  
鸚粒正欣餘飽實  
鴻陂應見佇良籌  
郊原乍喜晴光皎

壽宇時巡仰

翠旂

哭仲兒香海之訃

霜風一夕萎連枝  
慟哭天涯轉自疑  
豈意人琴從此杳  
當年瓦屋與誰期  
沉沉玉樹埋幽壑  
鬱鬱蒼松折勁姿  
今日神遊定何處  
騎鯨應度海東湄

一官憔悴老風塵  
痛惜奇材尚未伸  
邇墨早違科第願

兄未捷甲科

銀緋空現宰官身  
螺江水飲思強項  
鶴島風恬戢巨鱗  
贏得清聲畱治嶠  
過車巷哭幾州民

雁序趨隨憶及肩  
檻書其讀恨當年  
壯齡便隔趨庭對  
遠道常歌陟屺篇  
幾度銅盤欣會食  
無端烏帽咽離筵  
搏沙放手風流盡  
痛絕芙蓉地下仙

新秋猶接數行書  
何意藤陰一笑餘  
撒手竟歸兜率界  
傷心未卜陸渾居  
翩翩丹旆關山遠  
寂寞青楓夢影疎  
願育家駒成驥子  
斜川一集定傳渠

龍鸞姿望竟成空  
歎息浮生一哭中  
此後虛堂愁聽雨  
他年宰樹愴號風  
幸無餘積杯投水  
尙有詩篇氣吐虹  
欲服心喪慙馬援  
南天淚盡海雲紅

中歲何堪骨肉艱  
早衰我亦鬢毛斑  
百年露電嗟如是  
萬事風花付等閒  
作諫愧無門下筆  
招魂應向浙西山  
顏齡不信真難制  
欲召巫陽斂九關

上伯玉亭節相四首

羽儀重望冠朝班

詔許還軍鎮百蠻諸葛威行梁益外狄公名在斗樞間廿年建  
節恬適瑣萬里呼嵩接

聖顏拜賜甘泉

恩嚴渥彩雲先照碧雞山

潭潭大度總無倫廣廈千間庇士真夾袋姓名收許國翹材地  
望屬平濶心清共仰門如水言暖羣瞻室似春我悵登龍遲捧  
袂馬前初拜傑魁人

征南幾度奏膚功飲馬蘭渝血染弓鉢揭修羅消辟荔穴除窳  
窳靖沙蟲白狼作頌歡聲遠青馬來賓絕域通自是匡時資碩  
輔大猷中外倚公忠



當代星雲

識韓

菲材偏接禮容寬蘭盟自昔聯花萼

公與伯兄補昆

弟擣質何堪

附羽翰

一品快披鴻筆麗

公詩沉雄高百觚兼介

兕觥歡

公密溫

都亭祖帳情何極願祝

恩綸鼎錫丹

題汪耐山司馬宮人入道圖次楊浣香參軍韻

霞帔星冠望儼如濃妝初卸合歡居紅膏鳳月三生夢碧簡雲

雷八會書桃核恰宜傳鳥信竹枝無復引羊車墉城他日登珠

籙不用繁華戀婕妤

羅浮欲訪緇衣梅曾閱芝田小劫來金蓋靈蹤留紫藥玉環名

籍注丹臺修持慧業原仙骨解脫情天亦辨才爲恐麻姑霜鬢

早九還先鍊素顏回

餐花舊事不難稽寶殿鑪煙散柳黃羽節好通瑤闕路翠蘿曾

照出江隄學來禹步行猶涇校罷真篇手自題消得壺中閒歲月長門莫管夜烏啼

一錢未許認吳娃夙世生來萼綠華海鶴自棲蓬島樹宮鴛任轉上陽花纖眉有意隨天女薄鬢無心仿內家舊演霓裳笙調熱步虛聲聽徹霄霞

題范文正公手書伯夷頌墨刻後

我昔負笈吳趨坊天平祠宇瞻焯煌翰林主人正投絃謂文正

山太史亦授業師也爲述祖烈神飛揚明德畱貽七百載故家喬木參天

長當年手蹟愛珍皮車服世守同宮牆告身二通頌一則品題

天藻明奎章子孫世寶永無極千秋金薤垂琳瑯我時敬聽倍

神往如游通德來鄭鄉惜哉小草遽早出芝蘭堂名藏無蹟之所未得

窺縑紉廿年夢想常在眼南北睽隔徒慨慷竭來保州忝持斧

鈴齋晝暇凝清香忽披此帙頓狂喜斗室爛爛生精光昌黎魏  
公兩魁傑高節直欲陵首陽手書黃素傳不朽意爲萬古扶彝  
常以此防民勵忠悃猶有秦賈嚙天綱卷有秦會之題句賢奸  
並列儼龜鑑幾人青史餘芬芳始知正直天所與鬼神呵護經  
滄桑卽今真本雖羽化摹刻精審窮豪芒貞石流傳跡更遠不  
愁滅沒埋陵岡高義之聞萬笏嶺舊游歷歷山蒼蒼安得重攜  
渡江楫蘋藻再薦登公堂蓉城學士已僊去定待公側轡鸞凰  
瑤函展罷轉惆悵世事百歲如風狂

驄馬行爲樹琴家宰師作

乘黃茲白不復生世間櫪驥空知名天爲元臣致神駿騏驎突  
兀雲中行竹耳蘭筋本殊質骨肉應象騰星精往時服皂備驅  
策天衢坦坦馳由庚圓規折矩動應節已覺逸態超馳騁豈知

奇材遇事見趨迅不顧凡庸驚長鳴引首效緩急有若志士肩  
鉅宏竅竄跳梁傍城社公方新典南衙兵

行殿陳謨受

帝命疾趨省闈安

神京此馬如知公勇決風馳電掣輕郵程百四十里到俄頃草  
頭一點霜蹄明爰運玉鈴贊

宸畫鐵騎四布屯連營九頭奇鶴果授首機槍一掃烽煙清從  
此公勲炳宇宙栢鼎可勒襄鐘鏗乃知忠悃貫金石異類咸感  
公精誠披圖試與辨駿骨麟身鳳臆雄姿并傲惟掩蓋志公惠  
千秋竹素生光榮我侍程門比驚驥一官燕水蠶絲縈當年躍  
馬向河朔愧無樹立徒請纓讀公歌詩見公言金甌自翊  
皇興平紫駟玉腕莫漫賦一心真見奇功成

白鶴山房詩鈔卷十二終

白鶴山房詩鈔卷十三

歸安葉紹本仁甫

古今體詩八十首

行部范陽宿白河作

百里星郵早跨鞍  
白河新漲正漫漫  
楊花雪急催春盡  
麥隴風多送夏寒  
扈直近方依

豹尾巡輶未肯累  
豬肝吏民莫訝旌  
興簡祇作田夫識  
字看

題周處士蕙圃圖

周隱于醫

光風乍轉國香濃  
江上高雲記客蹤  
手種靈芽煙欲活  
漫同鋤

月叅梅龍

碧螺一角好湖光  
知是君家舊草堂  
遙識越來溪水近  
連畦曾接徑邊香

炎經注罷憶東皋橘井泉甘浥注勞遍向雪山  
食藥樹詩情畢  
竟屬離騷

吳城族祖忠義節烈詩為家明府

之作

族祖諱景恩明正德時起兵抗

宸濠兵敗闔門四十九人俱殉難事載明史

韋布徵奇節吾宗記大賢全家飛碧血一死壯青編握爪痕猶勁摩笄志共堅似聞嗚咽水終古下章川

東海田橫島平陵翟義兵但知鋤逆節遑計惜餘生慘澹風塵色倉皇劍戟聲國殤名不沒虹氣貫秋城

狂豎稱戈日江淮勢不支中涓持國柄羣盜阻王師自困潭灣戰旋看譙舍危匡廬峯嶄絕宜勒紀功碑

大義存名教天心若可憑幽光畱俎豆厚澤到雲仍善政傳三異嘉猷佇八能本枝連葛藟珍重拜嘗烝

追和祝止堂先生秋汎圖原韻卽題卷後爲祝杏南外兄  
一帆載酒漾秋高想見坡仙意氣豪過水閒鷗迎桂楫當筵火  
鳳撥檀槽流連嘯詠懷前輩滅沒身名笑爾曹此日披圖成絕  
勝溪光山綠映周遭

淋漓墨潯尙如新畫槩風迴皺碧鱗  
騎馬客海山忽作跨鯨人江間赤壁詞誰續地下黃墟蹟已陳  
我是後來鴻雪

主輕橈惆悵潞河濱

余監司通永者三載

散髻斜簪故自佳牛腰卷軸界行排煙波郊墅風光好文物承  
平樂事皆曲港沿洄疑泛雪長河控引本通淮田郎舊詠何須  
問點筆銀箋與不乖

蓬窗休便悵歸遲午夜星文聚此時北海尊罍眞作達南皮賓  
從漫題詩白駒坐閱年光改青眼曾叨國士知寄語明陵勤護



借梁公旌聚感恩私

題馮孟亭先生奉硯圖爲馮鐵漁大尹

我昔曾謁西臺翁松姿鶴骨顏如童常年著書硯水黑寒雲石  
色凝秋空鷺湖之陽履道宅鬱林清節傳家風車箱壯武閣七  
葉不徒漑盡詒謀工此圖公述祖德作髫年頭角誇嚴終薇垣  
琢石緬前軌平公巨璞加磨礪銘詞示後紀無極待大手筆疑  
難逢豈知瑜珥早蘊秀魚膚石已禎祥鍾蓬山柏府振清望濡  
毫海內誇文雄祖庭卅載問遺緒虎林山肆收亡弓浣筆爲圖  
侍側像偃僂三命循墻恭恬侯家法冠海內河東三鳳齊超宗  
樊南玉局註先後此硯豈獨箋魚蟲流傳文孫益俊邁牽絲赤  
句乘雲颺復從燕市購完幅延津劍合騰雙龍我忝薦難託至  
契兩世明德瞻卿公披圖悵惘忽有觸廿年彈指星旋箭杜田

已見寶忠孝魏笏定卜珍珠鐘金聲玉德幸勿失廉角外淬心  
虛中詩成願君好藏皮紫潭佇湧元雲濃

題畫詩六首

黛染春山濕不收何人憑眺倚高樓到門野水高于岸楊柳陰  
中杙小舟

芙蓉當戶翠孱顏小隱深林畫閉關行過溪橋春草碧白雲明  
滅認前山

溪山斗轉石稜寒百丈彎環上急灘記得茶洋南畔路斷磯青  
樹掛漁竿

蒼巒合沓隱松門古寺誰開竹裏軒向晚歸舟喧渡口夕陽一  
片澹烟痕

雲容雨態總模糊莫訝房山落墨麤咫尺前村迷舊路但聞槭

自注：山房詩集卷一三  
三  
槭響菰蒲

城繞青山水繞城碧波無際遠烟橫峭帆一片凌江去拍岸春  
濤聽櫓聲

又題凍澗寒香圖

溪雲凍合玉雲斜野徑渾迷路幾叉獨有山人知雪意一船和  
鶴載梅花

送孔荃溪同年旋里用陳荔峯同年韻

廿年清望重儒官此去湖山歲月寬  
谷鮪蟠泥應自得冥鴻戢翼本非難  
軟紅回首燕臺遠濃翠迎眸岱嶽寒  
好學漢陰師抱甕莫將殘夢戀槐安

靜裏名心知漸淡酒邊豪氣未全除  
滄江暮雨懷游蹟沂水春風認故居  
漆簡書緇尋漢舊磚壇宇古記秦餘  
掉頭巢父誰聞

得碧海珊瑚穩釣漁

鎮海包節婦詩

獨勵陶嬰節能儕已婦清閨闈存大義巾幗得榮名柏勁開貞  
幹蘭芳護弱莖旌門逢

盛典綽楔慰平生

包太學重修忠節祠詩

有廢誰能舉高風重里塵丸松崇廟兒社栗妥前賢筭金香頻  
薦牲醪禮不愆孝思知善體荻訓稟當年

秦良玉錦袍歌

有明末造何披猖纖兒竊柄忠良亡揭竿四起弄戈戟狐鳴篝  
火紛鴟張庸夫督師了無策坐使狂獬爭跳梁連翩大將各開  
府公然挾賊輕朝章嗟哉平臺屢召對誰矢丹赤扶天綱豈知

忠義出閨闈石砧有女寒珠裳藉官代襲握兵柄銅鼓四震軍  
威揚摧堅往往破強敵猱喪膽封狐藏列營若得盡如此何  
慮蟻賊窺天闔可憐羣帥盡巾幗望風棄甲如奔狂隻手擎天  
那可得空悲毅魄埋山岡此袍傳聞戰時著龍文錦麗盤明光  
血痕試認髑髏染箭鏃亦苦金創傷想當臨陣好結束羯肌顏  
擁脩羅裝祇今

時清海宇一勝國舊事消滄桑閱年二百袍尚在傳示信足誇  
戎行從來大勇出至性懦夫可立柔能強精誠果使貫金石奚  
論婦孺兼羸尪夫人城高錦繖卓娘子關峙銀矛長三宮九意  
溯原始好侍元女從軒皇

子卿同年移守贛州口占奉寄

五載彭城足壯游又移紅旆向虔州雙江波浪浮煙舫八境雲

山擁石樓到處風流追玉局早知惠績布彤騶獨憐雁帛天南  
遠好折梅花寄隴頭

官齋種竹偶成二律

種竹南窗下翛然涼意生月搖層碧影風作碎瓊聲塵界迴無  
暑澹懷相對清那知官閣畔瀟灑似滄瀛  
夙負名山約風篁但夢思豈期燕水側偏見渭川枝可使食無  
肉莫將疎自疑干霄青鳳尾知汝待乘時

送何韓菴同年之官鹽山

笠繖清聲望早齊華絲又傍大河隄鹽山在衛河之東好攜秋

月臨寒浦自有春風到野畦出手收羣古九河故區也祛害馬關心孺子學驅

雞見荀悅

期君報最歌神父行見雙旌拂曉霓

書明侍御穉鶴金公殉節碑後

百戰孤城力不支全家碧血殉艱危痛聞長史登陴日如見常

山罵賊時破陣圖猶威絕塞

公監軍陝西時有巡邊圖

題名碣合煥崇祠闕

文重與鐫貞石信史千秋視此

辛原碑載公殉節事頗未備余爲網羅舊史并及同時赴義

諸紳士聞媛名氏勒之左側俾殺魄貞魂得附公以不朽云

### 贈徐小梅公子

磊落清才似子稀燈前話舊足長欵久聞南國歌棠港不信西  
華尙葛衣畢萬大名宜復始于公陰德早知微期君便跨鸞輪  
去彩羽丹山傍日飛

### 題楊自西先生黃門疏藁後並柬徐小松司馬昆季

大海迴合江湖奔銀濤素練光吐吞扶輿磅礴淑氣存篤生賢  
詰珍璵璣關西清白太尉孫筮仕恰值

皇初元

真人鷹

命定八垠爰設諫鼓旌敢言公時循聲達

帝閣由墨綬進居左垣神羊一角威鳳蹲青蒲伏拜誰敢喧羣  
小鷖慄驚營魂嘉謨祕畫造膝論引繩披卻探本根惟

帝曰都

天語溫嘉茲忠直絕黨援四品超拜孤鶴鸞遂界旌節黔江源  
中丞威望詠韞璫坐鎮竟使消旌帑歸朝仍總戎政繁白華乞  
養終田園我昔讀書三篋緇心稽古訓空周爰惟公亮節世勿  
緩喬松百丈泰嶽嶠此編快覩盟手捫如披瓊笈緘瑤琨廉頑  
立懦驚怠昏垂之百世蘇陳蟬方今

堯仁浹厚坤俊髦登進車兩幡君家明德推鼎門蟬聯氏族延  
後昆願君努力吹簾壘培風佇化天池鯢



題王秋崖同年授經圖爲桐君世講

憶昔槐黃踏省門一時樸學共推袁祇今振觸人琴感古易難尋輔嗣論

鬲津地接廣川長應有江都舊講堂鄒魯諸生文學盛知君傳習得施梁

山陽笛已頻年恰喜見超宗是鳳毛黃綬休嗟棲枳棘漢廷卿相起功曹

讀雷蔗園孝廉百里新詩因題其後

欬唾新詩就知君思軼羣鮮葩凌曉旭寡鶴唳高雲磊落幽并氣淋漓典冊文君以獻賦登第搏扶終不遠待子張吾軍

代北蜚聲久燕南識面初金樽吟賞外玉屑笑談餘勿以棲遲困頻嗟光範書昔年綿蔓路風雪亦驅車余已未庚申之間曾客上艾

甲戌孟夏趙州旅舍見汪小竹壁間詩因憶癸酉萬柳堂  
之游泚筆和之忽忽數年畧不記憶山陰何上舍自豫  
來錄彙見示因附編於此

壞壁詩篇蹟未磨燕臺對酒憶狂歌冬曹名字文章貴秋士情  
懷感慨多尙記清游圖主客已嗟塵夢隔關河不知舊日高陽  
侶可識征車轆轤過

城南卽事

密樹圍朱檻清泉瀉淥波那知塵土窟忽見水雲窩埒馬初盤  
徑林鷲漸學歌洛濱春事早祓禊待如何

送小梅之津門

好去徐公子高才困隱鱗翩翩原絕俗碌尙因人室有南州  
榻尊虛北海賓丁沽新柳色別緒若爲伸

千役易門敬紀一律

匹馬馳驅據鞍

橋山庀事敢求安連營羽衛迎

珠翼重嶺星雲護

玉鑾碧隴膏濃思

帝澤青儀典重記王官

微臣

世澤慙喬木翹首

神皋氣鬱盤

題千墨庵重摹七姬志石刻寄吳巢松編修同作

有元失馭墮天綱羣雄蜩起如蜩蟬白駒場卒據梅里居然竊  
號侔陳方老漚宮妝逞奢僭曠貴更復誇東牀畫戟油幢儼開  
府閒居列屋羅施嬙處堂之雀巢幕燕曹騰一醉消春光豈知  
奇行出閨闈辱井誓不儕孔張潔身先願赴黃壤不待金谷園

銀鎗芝焚蕙折競爭死貞名萬古傳猶香我昔吳趨作齊贅  
古往往經開坊埋香遺蹟尙宛在摩挲題字空傍徨余倚寓齋女門與七  
甚近竭來廿載宦京輦舊遊如夢縈肝腸巢松翰林今健者下  
筆欲短曹劉牆奇編示我亟披讀真珠字密蘭函裝中吳自古  
佳麗地香溪水暖浮鴛鴦獨憐勁節在羅綺田橫島客同昂藏  
石人眼開白雁走幾許義烈書琳瑯貞珉重勒示不朽要令彤  
管生精芒海湧山高硯池碧此石千載厝芬芳環珮魂歸定何  
所想遂素女驂鸞翔玉波愁殺雙蓮曲輪與羣珠姓氏揚

又題七姬志後

白翎雀老黃風盛宮弁年年間劈正淮西一卒困東吳御酒龍  
衣惜兵柄燾土居然異姓王齊雲高築綺羅香名姬金屋眠鸕  
鵒愛女瓊簫下鳳凰粉侯也襲潘郎號沁水平陽鎮相耀銀檠

平分大樹威珠屏競擁如花貌寶帳芙蓉連臂歌熒熒妝鏡照  
星河繁華位占披香半矮嬌圖分却月多南州北地都登選素  
口蠻腰盡明絢玉軫齊調趙女絃金梭共織天孫練璧月瑤花  
夜復朝那知鐵騎渡江潮赤烏雖未羅羣檠銅雀深愁鎖二喬  
此時羽檄連翩至太息將軍苦無計素明知燕幕危捧心難  
學鴟夷逝慘語分明痛落花時艱誰保玉無瑕休教錦鞍疑如  
子莫使鰐脂辱麗華瑤姬本自明詩禮爲謝將軍莫輕詆玉碎  
甘酬魚貫恩珠沈聊贖羊車恥子夜鶉啼暮雨昏哀蟬落葉劇  
傷魂春風淚溼紅心草秋月煙迷碧血痕脩蛾盛鬢嗟何在贏  
得貞名畱奕載黃絹題碑壘曰工銀鈎寫賦明珠采荏苒風輪  
五百年故基回首但寒煙鴛鴦青冢依稀認烏鵲紅闌阿那邊  
我昔胥臺曾作客尋幽每蠟沾春屐古巷荒榛問夕陽橫楣猶

志當年額

七姬井在潘陽巷後居人猶志其處

雪泥鴻爪幾經秋錦字傳來憶舊

遊佳俠芳聲輝樂府詞人麗句動滄州風塵鹿鹿慙持斧廢學

寒竽澀難譜忽向天涯擘翠箋吟情恍到橫塘浦齊女門高隔

暮雲花橋流水自汙汙西風黃葉成何事愧對紅顏數尺墳

行部雄州視水田作

浦漱滌洄夾鏡明碧波無際縠紋生風前陡觸江南思疎柳漁

莊畫不成

綠鍼刺水稻芽齊剡剡新秧滿碧畦勸爾耕耰須努力濃陰如

墨郭公啼

題黃梁祠壁

山河大地一浮漚那用紅塵寄幻游識得華胥真睡味不須梁

熟始回頭

自鶴山房詩卷三

浮雲那比白雲鄉  
笑煞名心自擾攘  
如此喚人猶未醒  
祠前車馬日奔忙

內邱道中口占

髣髴驛樹短長亭  
迢遞郵籤接冷陁  
此日太行真了了  
層嵐爭向馬頭青

連朝赤日起黃埃  
喜聽翻盆快雨來  
繡隴芳塍都似沐  
飛泉亂灑石渠開

酬鄧嶰筠廉訪見懷之作仍次原韻

露輞新乘憶雲機  
舊紉令嚴武昌柳  
春放大隄花心蹟  
雙清咏功名三捷誇遙知江閣畔頌遍萬人家

秦隴方流愷荆襄又作霖  
濟時賢者志求治

聖人心牙肅行當擁銀毫  
憶昔簪詩筒憑響答珍重郢中吟

和董琴南侍御見贈原韻

敢將競病博詩名南面依然擁百城坐覺迂疎了無補拈毫聊  
和候蟲聲

十年橐筆傍

丹宸誰使征衫泥路塵悔未啜殘香茗味不妨白首作詞臣

牽船曾住水雲鄉曲檻疎籬老屋傍默數平生差快意三義古  
巷立斜陽

白鷗浩蕩憶浮家何處青山有釣槎甚欲引竿湖渚去夾隄如  
雪泛茗花

定州謁韓蘇二公祠

臚雲重望斗奎同先後符分仰鉅公菊圃香濃欣晚節杏園花  
放自春風勲名直震雄關外詩句猶畱斷碣中行部獨來瞻廟



貌采椽喜近

玉華宮

祠在行宮右側

寄懷吳蘭雪同年

一官蕉萃老脩門也擬揚雄執戟論橐華漫輕丞相史傳衣應

溯杜陵孫

湖西江宗派

峻嶒鶴骨廬山瘦飛動鯨濤溢水翻却憶鹿

鳴同上計祇今相對鬢絲繁

寄懷陳碩士同年

太邱名德舊無雙浩浩詞源壓嶺龍廿載華資叨祕省幾回清

夢落滄江持衡曾羨蘭荃採閉戶閒娛金石撞門第劉盧情話

久愧余空說擁麾幢

定州觀雪浪石

白章黑質勢崎嶇妙繪誰從畫理尋飛礮千巖重險地離堆萬

里故園心好偕仇石同完趙肯共奇峰早輦金有謂取入民岳者殊不可信

櫪馬夜驚精爽在

天題珍重比球琳

此石在臨城縣廢中頗著神異高宗純皇帝聖製記中備載其事

辛巳六月初一日以卓異引

見蒙

恩記名恭紀二律敬次先光祿乾隆己亥卓異入

覲原韻

銅龍曉啓晝沈沈

殿閣薰風叶

舜音八載頒條慙政拙十科釋褐愧年深蒙登第科分每懷鞭影

馳戎幕曾許巢痕偕上林

蒙翰林若

詢官兩世備承

朝命渥迂疎何以竭丹忱

邇英轉對

軫民艱穡拜依然綴舊班

先光祿昔年蒙純皇帝召對亦在

高宗繩養心殿

武共瞻

勲赫濯酬

知敢戀職優閒

御屏續紀榮稱首

本以直省進員首先引即荷

異數也見

前席詞陳仰

霽顏遺笏猶存先志稟願將貞白戴

恩還

轉運長蘆恭紀

聖恩敬成二律

頻年持斧愧迂疎忽奉

丹綸下

玉除渠展地連鍾釜盛長安

天近寶華儲願將飲水明臣節  
欣見熬波遍海畚中議階高兼  
憲職

醞恩真煥舊門閭

波環渤碣信名邦千里綱船達楚江  
直抵楚境俗靡惟期形表

正政繁先戒眾言曉算緡漫仰持籌  
屋索句憑安點筆窗塵露

莫酬

宸眷渥

微臣

家已兩油幢

謂先光祿  
暨琴柯兄

題汪春田明府鋤圃課孫圖

老圃擷秋英小試經綸手更羨寧馨兒  
瑤環隨翁後

靖節籬邊漉酒右軍筵畔分甘莫憶家山六六且開客徑三三

依桑拔薤有餘思  
早識循聲遍海湄  
貽厥定知流澤遠  
員郎詞辨到郎詩

雪後小園獨坐

積雪滿簷端  
園林盡生靜  
冰花落寒水  
凍雀啄孤影  
頽陽何處微  
返照遍斜景  
暮靄接停雲  
迷離澹空境  
我本江海人  
幽尋久所省  
對此劇蕭閒  
默坐萬慮屏  
判牘愛餘光  
讀書消夜永  
忽憶故園梅  
疎香發前嶺

和汪耐山司馬咏物詩四首

老樹

槎枒古幹總輪囷  
占盡年年雨露新  
豈以散材逃世劫  
自緣貞性得長春  
液楠漫擬支離叟  
峭勁常如磊落人  
卻羨深山藏質久  
金剛同證梵天身

老屋

衡門兩版萬函書十笏蕭齋亦曠如  
畫壁蜺蜺新雨後拂簷蝙蝠晚涼初  
何年堂構畱先澤幾架軒楹傲綺疏  
記否浣花江畔路白茅一把護雲廬

老牆

斷垣欹側暈青苔曲徑依微步屨回  
溜雨痕多畱壞粉移花日久落寒灰  
最宜缺處看山好恰便鄰家過酒來  
休向故宮尋舊蹟云云流水白低徊

老圃

一稜閒田生有涯秋菰春韭野情賒  
江山遲日鋤蒿苳煙雨疎籬雜黍麻  
劇喜清芬餘白薤由來晚節愛黃花  
閉門莫問英雄事霜氣東園儘足誇

再疊前韻

老樹

蟠屈虬枝拂石囷空巖歲月鎮常新  
參天古柏稜稜色臥澗寒梅漠漠春  
匝匝濃陰空憩客連蜷疎影亦留人  
漢南不用愁攀折儘有青牛幻化身

老屋

環堵欹斜但貯書茅茨接武廣居如  
江山莫起蕭條感井里依然太古初  
薜荔當門塵境遠蓬蒿滿徑世緣疎  
鑿坏心蹟甘長隱底羨華棖飾故廬

老牆

參差澀浪半侵苔廢苑荒臺認幾回  
斷甃亂緣春後草頽基猶剝劫餘灰  
年深穴鼠凌晨出夜迴啼蛭弔月來  
輪與蒙山風景

好紫霞作蔽任徘徊

老圃

面城背郭俯雲涯  
擷得寒蔬釀可賒  
好向閒階收宿薺  
底須仙路飯胡麻  
呪來綠笋休成竹  
種去青葵正著花  
穩取十年喂芋味  
蹲鴟誤讀亦堪誇

三疊前韻

老樹

漫誇仙嶺望成園  
獨抱冬心柯葉新  
奇幹那能三萬丈  
大年曾記八千春  
長條垂驛誰驅馬  
側影橫溪任度人  
知是千霄要梁棟  
木蘭應識此花身

老屋

恰稱連牀萬卷書  
打頭低坐意何如  
牽藤蓋瓦吟風際  
因樹爲



梁待月初壞檻湍聲頻洶洶破窗雨腳白疎疎空山抱膝尋常  
事未許人間認草廬

老牆

垣衣如染上秋苔傾倒鄰家礙往回舊幘漫勞尋竹影香痕可  
記脫梅灰地偏亂石依山築寺古殘鐘撼壁來惟有幽篁遮處  
好幾梢新綠任低徊

老圃

小結團焦傍水涯青山當戶不須賒五辛有味聊供韭十畝同  
閒並種麻糝玉堪名珍鼎寶散金曾咏燦籬花

張翰詩黃花如散金或以爲菜

花桔槔灌罷瓜壺熟一卷郊詩儘足誇

四疊前韻

老樹

植根地軸勢盤固肯共凡枝鬪態新高嶺雲霞先得地穹巖雨  
露最藏春棲來鶴羽晨將子種出龍鱗夏健人莫向錦衣驚異  
蹟名材合現宰官身

老屋

靜掩柴關晝著書一椽真擬岸舟如淵明衡宇歸來後平子田  
園作賦初綠映階前芳草滿紅欹亭畔雜花疎五湖三畝鄉關  
好爽塏何須更卜廬

老牆

椒塗脫盡長陰苔幾欲幽尋復卻回嵌石尙畱螭隱字脩廊曾  
藝蠟成灰紗籠有句畱題久珠剝何年寫像來記取枳花明驛  
路郵亭風景足徘徊

老圃

何須勲閥震天涯  
藥徑瓜疇樂事賒  
好共高人栽杞菊  
漫同野叟刈蓬麻  
畱將古意吟匏葉  
畫到秋容愛豆花  
聞說庾郎生計足  
堆盤三九儘人誇

辛巳除夕

典鹺章武乍停輶  
臘鼓俄驚歲序周  
數紀河圖堪衍策  
余來歲五十有  
五節迎春勝又添  
壽梅英恰喜初明  
眼蒜髮仍欣未滿  
頭願報國恩思夙  
夜駑駘何敢憚長  
楸